



SIARAN MEDIA

JABATAN ALAM SEKITAR NEGERI SARAWAK

MAJLIS PERASMIAN PENUTUPAN KEM KESEDARAN ALAM SEKITAR (KEKAS) SEMPENA SAMBUTAN HARI BUMI PERINGKAT NEGERI SARAWAK 2020

**8 MAC 2020 (AHAD)
IMPERIAL PALACE HOTEL, MIRI**

8 MAC, MIRI: Seramai lima puluh (50) pelajar dan 5 orang guru dari SMK Pujut, SMK Riam, SMK Lutong, SMK Merbau dan SMK Lopeng Tengah telah menyertai program Kem Kesedaran Alam Sekitar (KEKAS) bertempat di Piasau Nature Reserve, Miri sempena dengan Sambutan Hari Bumi Peringkat Negeri Sarawak tahun 2020. Kem selama dua (2) hari ini dianjurkan bersama Jabatan Alam Sekitar Negeri Sarawak dan PETRONAS Carigali Sdn Bhd – Sarawak Oil. Majlis Perasmian Penutupan Program Kesedaran Alam Sekitar (KEKAS) telah disempurnakan oleh YBrs En. Adam Yii Siew Sang, Datuk Bandar Majlis Bandaraya Miri. Majlis ini turut dihadiri oleh Pengarah dan wakil dari agensi-agensi Kerajaan Persekutuan dan Negeri.

Tahun 2020 ini juga merupakan ulang tahun Sambutan Hari Bumi yang ke 50 dengan tema "*Climate Action*" di mana isu *climate change* menjadi *focus issues* dan merupakan cabaran besar masa depan manusia bagi menjamin kelestarian bumi dan kondusif sebagai habitat seluruh hidupan. Sambutan Hari Bumi 2020 ini mengajak masyarakat bersatu dalam menangani krisis perubahan

iklim ini baik dari segi kreativiti, inovasi, kesungguhan melalui kempen “*Say No To Plastic Bags*” dan “*Say No To Styrofoam*” dan keberanian untuk berubah dan mengamalkan gaya hidup yang lestari .

Aktiviti Kem Kesedaran Alam Sekitar ini dilaksanakan melalui kerjasama sektor korporat melalui Memorandum Persefahaman antara JAS dan PETRONAS. Peserta Kem Alam Sekitar ini telah didedahkan dengan pelbagai aktiviti di dalam dan diluar kelas yang menjurus kepada pemahaman dan pengukuhan kesedaran peringkat individu sebagai ejen kepada masyarakat di dalam menjayakan kempen-kempen dan aktiviti ke arah menggalakkan penglibatan setiap lapisan masyarakat di dalam usaha pemuliharaan dan perlindungan alam sekitar. Dalam hubungan ini, JAS mengalu-alukan glibatan sektor korporat untuk mengadakan kerjasama melalui pendekatan “*smart partnership*” supaya lebih banyak aktiviti kesedaran alam sekitar dapat dilaksanakan di negeri Sarawak.

Tamat.